



UNIVERSITÄTS-
BIBLIOTHEK
PADERBORN

Universitätsbibliothek Paderborn

Theologia Moralis

Antehac Ex Probatis Auctoribus breviter concinnata

Busenbaum, Hermann

Coloniae Agrippinae, 1713

Q. 7. In quo convenient & inconvenient Sacramentum Eucharistiae &
Sacrificium Missae.

urn:nbn:de:hbz:466:1-42624

positione illius, pro quo offertur, S. Th. Dicast. n. 170. Averfa §. Octavò. aliique pluriimi cum Pasq. q. 76. & 87. contra Suar. Valent. Fill. Fagund., videtur enim eodem modo loquendum, quo de Sacramentis, quæ pro meliore dispositione subiecti habent majorem effectum, secundum dicta p. 1. n. 185. Et hoc forte innuit Ecclesia in Canone Missæ, quæ loquens de illis, pro quibus offert, ait, *quorum tibi fides cognita est & nota devotio.* Et contra irreverenter adstantes aut fabulantes gravissimè scribunt SS. PP. apud Rayn. suprà s. 2. pu. 7. à n. 15. 21. 25. Ubi n. 27. ex iisdem SS. PP. docet mendicos tum esse arcendos à templo, utpote turbantes devotionem fidelium, quod etiam Decretis Pontificiis & Episcopalibus sæpè sancitum est. Oculorum autem impuritatem acerrimè perstringunt iisdem SS. PP. apud Rayn. à n. 28. Quas omnes irreverentias etiam ab Ethnicis, Turcis & Judæis non tolerari in suis Sacris, ostendit idem Rayn. à n. 43.

61.

Q. 7. In quo convenient & disconveniant Sacramentum Eucharistie & Sacrificium Missæ. &c. In his conveniunt, 1. Quod sit eadem realiter actio, per quam ponuntur, nempe eadem consecratio. 2. Quod utrobique sit idem terminus ultimus actionis, nempe idem Christus sub specie panis & vini. 3. Quod essentia Sacramenti, & Sacrificii includat istam actionem & istum terminum, Sacrificium enim adæquate & prout communiter sumitur, supponit, non tantum pro sacrificeatione sed etiam pro victimâ. 4. Quod ratio Sacramenti & ratio Sacrificii possint ab invicem absolute separari, nam Christus potuisse instituere vel in ratione Sacramenti tan-

tum,

tum, vel tantum in ratione Sacrificii, uti recte
Vasq. & Pasq. q. 53. n. 1.

Disconveniunt in his, 1. Quod Sacramentum includat aliqua, v. g. species panis & vini, quæ non includit Sacrificium. 2. Quod Sacramentum per se immediate ordinetur ad sanctificandum hominem, Sacrificium ad cultum & honorem Dei. 3. Quod essentia Sacramenti salvetur per consecrationem unius speciei, uti recte Suar. Tann. Pasq. n. 3., quia quamvis non habeatur completum signum integri convivii spiritualis, tamen habetur signum sensibile ex opere operato causativum gratiæ, quæ est cibus & potus animæ: è contrà essentia Sacrificii includit consecrationem utriusque speciei, quia institutum est, ut sit expressa repræsentatio cruenti Sacrificii Crucis, seu separationis etiam Sanguinis à Corpore, hinc si non consecretur utraque species, Sacrificium non causat ex opere operato. 4. Quod Sacramentum sit prius ordine executionis, cum salvetur in una specie: Sacrificium autem, spectato fine ultimato, sit simpliciter & absolutè prius ordine intentio-nis, quidquid contradicat Dicast. d. 1. dub. 16., quia Sacramentum & ipsa sanctificatio hominis intenditur propter cultum & honorem Dei, qui est finis Sacrificii. 5. Quod Sacramentum sit permanens, quia cum ratio Sacramenti sit esse signum sensibile, principaliter supponit pro speciebus & Christo, qui permanent: Sacrificium autem sit transiens, quia cum ratio Sacrificii sit esse cæremoniam sacram, principaliter supponit pro actione sacrificativa, quæ est transiens. 6. Quod Sacramentum non causet ante usum sive sumptionem, Sacrificio autem

ad causandum satis sit existere. 7. Quòd Sacra-
mentum ex opere operato pro sit soli sumenti ;
Sacrificium etiam aliis, quamvis nec sacrifican-
tibus nec sumentibus.

63.

*Q. 8. Quid Pontifices & S. Congregatio statue-
runt circa celebrationem Missarum. R. Constatit
ex verbis Constitutionis Innocentii XII. datae
Romæ 23. Dec. 1697. prout sequitur :*

CONFIRMATIO DECRETORUM CONGREGATIONIS S. R. E. CARDINALIUM CONCILII TRIDENTINI INTERPRETUM,

*Super Celebratione Missarum, etiam cum declara-
tionibus & innovatione Decretorum ab eadem
Congregatione, auctoritate fel. rec. URBANI
Papæ VIII. desuper alias factorum.*

**INNOCENTIUS EPISCOPUS
SERVUS SERVORUM DEI.**

Ad perpetuam rei memoriam.

Nuper à Congregatione Venerabilium
Fratrum nostrorum S. R. E. Cardina-
lium Concilii Tridentini Interpretū pro-
dierunt Decreta tenoris infra scripti, videlicet :

Alias super celebratione Missarum ac prohi-
bitione illas moderandi seu reducendi absque
Sedis Apostolicæ licentia, nec non super earun-
dem oneribus perpetuis suscipiendis, & Reli-
giose